

# SI I SE AY GA BA REY

Irikoy Baakasina Ni Se Bangando Duyano



JOYCE MEYER

*#1 NEW YORK TIMES BESTSELLING AUTHOR*

Unless otherwise indicated, all Scripture quotations are taken from  
THE AMPLIFIED BIBLE: Old Testament.

Copyright © 1962, 1964 by Zondervan Publishing House  
(used by permission); THE KING JAMES VERSION; and from  
THE AMPLIFIED NEW TESTAMENT

Copyright © 1958 by the Lockman Foundation  
(used by permission).

Copyright © 2014 by Joyce Meyer Ministries – South Africa

All rights reserved. No part of this publication may be  
reproduced, distributed, or transmitted in any form or by any means,  
or stored in a database or retrieval system, without the prior written  
permission of Joyce Meyer Ministries – South Africa.

Joyce Meyer Ministries – South Africa  
PO Box 5, Cape Town, 8000

Phone: +27 (0) 21 701 1056  
Website: [www.joycemeyer.org](http://www.joycemeyer.org)

Go to [tv.joycemeyer.org](http://tv.joycemeyer.org) to watch Joyce's messages in a  
variety of languages

Tell Them I Love Them – Zarma  
Not For Resale

# SANNO BONEY



|                                     |    |
|-------------------------------------|----|
| <i>Sanney Kaŋ Ga Jin</i>            | 4  |
| 1. Irikoy Ga Ba Araŋ!               | 5  |
| 2. Ay Ga Boori Gumo Mo?             | 9  |
| 3. Baakasinay Wo Margasinay No      | 14 |
| 4. Baakasinay, Naanay Nda Cimi Beer | 18 |
| 5. Fansayaŋ Humberukumay Ra         | 21 |
| 6. Baakasinay Ga Kambe Salle        | 24 |
| 7. Irikoy Baakasina G'araŋ Barmay   | 27 |
| Fundi Taji Siyaŋ                    | 30 |
| Faaba Aduwa                         | 31 |
| Tira Hantumkwa Boŋ                  | 32 |

# SANNEY KAƁ GA JIN



Ay ga tammahaƙ, wo kaƙ borey ga ba gumo ga bisa hay kulu ga ti, Irikoy baakasina kaƙ a gonda i se bangando. Ay ga naanay kaƙ kaaji wodin boƙ no almasihu ganako baafunay ga te gaabi ga du zaamayaƙ.

Iri si laami nda ndunnya bayray fo, Irikoy bangando no iri ga ba. Biya Hanna no g'iri no nda bangando din d'iri na Irikoy baakasina laasaabu, d'iri goy nda iri baafuna ra, d'iri na bangando din ceeci Irikoy sanni hantumanta ra nda aduwa ra.

A si gaabu boro ma yadda kaƙ Irikoy ba ndunnya hala A na Yesu samba A ma bu a sabbay se amma, a ga gaabu boro ma cimandi kaƙ, da boro hinne lok no go baafunay ndunnya boƙ, Irikoy ma ba bora, hal a ma Yesu samba a ma bu bora hinne sabbay se.

Jiiri boobo bine saray banda ay almasihu ganayaƙo ra, ay du ka faham da Irikoy baakasina. Irikoy cabe ay se Biya Hanna do haray, a baakasina kaƙ A gonda ay se. Bangando din hinne n'ay baafuna kulu barmay, a n'ay dirawo mo barmay a banda.

Ay ga miila, hay kulu kaƙ araƙ ga caw tira wo ra, ga kande araƙ se bayray teeji nda fahamay teeji Irikoy baakasina boƙ. A ga naƙ araƙ ma ceeci ga bangando din si araƙ boƙ se. Ay g'araƙ yaamar, araƙ ma tira wo caw moso moso, araƙ m'a fintal, araƙ ma laasaabu sanney nda miiley kaƙ araƙ ga di a ra boƙ.

Ay kande araƙ se tira wo lalabuyaƙ ra zama, ay manti hay kulu da manti Irikoy kaƙ n'ay no bangando nda a sanno fahamayaƙ a gomno ra.

# 1



## IRIKOY GA BA ARAN!

*“Zama Irikoy ga ba ndunnya hal a na nga ize follonka no, zama boro kulu kaɗ ga cimandi ma si halaci amma bora ma du fundi hal abada.” – YOHANNA 3:16*

Irikoy ga ba almayaali wodin se no, a na iri taka iri ma ciya a izeyaɗ. A si ba iri ma teerayaɗ te sanda zanka kaɗ man te lakkal gina amma, iri ma te sanda a izeyaɗ. A ga ba iri ma bara nga dabaro cire, iri ma kaaba Nga ga, iri ma ba Nga, iri ma naɗ mo A ma ba iri. A ga ba iri ma naanay Nga ga, iri m’a ce waati kulu kaɗ iri gonda a muraadu. A ga ba Nga ma margasinay nda iri afo fo kulu!

Waati kaɗ iri ga Yohanna 3:16 caw, i boobo iri game ra ga miila kaɗ: “oho, ay ga bay kaɗ Yesu bu ndunnya se” amma ay ga ba ay ma ne araɗ se, manti boro kayna fo yaɗ se no Yesu bu. A bu iri afo fo kulu se. A bu ni hinne se!

Da ciya kaɗ ni hinne no ndunnya boɗ, A ga bu ni hinne sabbay se. A ga taabi ni hinne se. Yesu bu ni se! Irikoy ga ba ni gumo, A ga ba ni da baakasinay kaɗ ga duumi.

Han fo, ay go ga ay moota fun, Irikoy salaɗ ay bina ra. A ne ay se: “Joyce, ni ya ay moy hamno no.” Ay man bay kaɗ sanno wo go Irikoy Tira Hanna ra. Ibilisi cahaɗ ga miila wone daɗ ay lakkalo ra: “He, ni go ga fooma no wala? Ni ya may no?” Ay sintin g’ay boɗ haɗ hankaɗ se ay du miila wo.

Hay no kaŋ ga gaaba nda iri Adam-izey alhaalo, iri ma bay kaŋ Irikoy n'iri suuban, kaŋ iri ga waani hari fo. Irikoy na boro fo kulu taka nda nga alhaalo kaŋ ga waani boro jarey.

Waato kaŋ ay go ga sanno laasaabu, kala Irikoy cabe ay se wayboro fo kaŋ go kay bitiji ra, pomme kanandi jare ga. A go ga pomme kanando guna kala a di pomme ize hanno fo, kulu a gugum g'a sambu. Wo kaŋ Irikoy ga ba Nga ma ci ay se ga ti, ay ti pomme ize hanna A moyey se. Ay ya suubanante no. Manti boŋ beeray no zama Irikoy na sanno ci iri afo kulu se. A man ne ni ga boori gumo, boro yaamo yaŋ no boro jarey. Abada, a ne nga moyey se, iri kulu boro suubanante no. I na sanni wone hantum A Tira Hanna ra, Tira Hanna mo, i na hantum iri afo kulu se.

### **Araŋ ya A moyey hamno no.**

Ay man faham nda hankaŋ Irikoy ci ay se sahadin da, zama ay go g'ay boŋ ciiti nda miila beero wo kaŋ ay go g'ay boŋ sambu nda. Jirbi hinka banda, ay na Irikoy Tira Hanna sambu kulu ay caw: "Ni m'ay haggoy sanda ni mo gura cine, ni m'ay tugu mo ni fatey biyo ra." Zabura 17:8.

Ay faham sohon kaŋ sanno kaŋ ay du fun cimi Irikoy do, kaŋ ay ya Irikoy moy hamno no. A te alwaati kuuku d'ay fongu, ay bay kaŋ cimi, ay ya suubanante no.

Adamizey kulu, ngey bina ra, ga laami i ma ba ngey. Yadin no Irikoy n'iri taka da. Iboobo cimandi kaŋ Irikoy ga ba ndunnya, A ga ba Yesu amma a ga gaabu i se i ma cimandi kaŋ Irikoy ga ba rey, ngey hinne. A ka ga gar, Irikoy sanno ga dondonandi kaŋ Irikoy ga ba boro mate kaŋ A ga ba Yesu. Iri ma guna Yohanna 5:20: "Zama baabo ga ba izo, a g'a cabe mo hay kulu kaŋ nga bumbo goono ga te. A g'a cabe goyyaŋ kaŋ bisa wodin yaŋ beeray, zama araŋ ma dambara."

Iri ga ayyey wo caw, amma iri si faham waati kulu da hankaŋ

Irikoy go te iri se. A ga ba iri ma guna goy beerey kaŋ a te iri se Yesu ra, iri ma dambara, iri ma ne: “Rabbi, a ga beejandi hankaŋ ni te Yesu do!”

Yohanna 14:12 Yesu ne: “Boro kaŋ g’ay cimandi, goyey kaŋ ay goono ga te, nga mo g’i te. Goyey kaŋ ga bisa woone yaŋ mo a g’i te, zama ay go ga koy Baaba do.”

Rabbi ka ay do han fo kaŋ ay go ga caw, a ne ay se: “Joyce, ay go hay boobo te borey se zaari kulu zama ay ga ba rey amma i si ga di hay kulu. I si faham hay kulu. Misa fo neyya: Zaari kulu, d’ay ne wayna se a ma tun, ay go g’a te Joyce se, Biba se, Yacouba se, ...se” (araŋ ga hin ga tonton araŋ mayo).

Wa miila a ma boori. Wayna go ga tun zaari kulu araŋ se. Oho, wayna! Araŋ faham!

Da beene haro ka nga alwaato ra, a ga kaŋ iri afo kulu se. Irikoy ga ba iri hal ga to nodin.

“Yadin ga binde, ma bay kaŋ Rabbi ni Irikoyo ya Irikoy no, Irikoy naanay koy no. Borey kaŋ ga ba ra se, kaŋ yaŋ g’a lordey gana mo, a ga alkawli nda baakasinay suuji toonandi i se hala zamana zambar fo.” Asariya Yaaraŋ Tira 7:9.

Guna Irikoy baakasina kaŋ si ban. Iri ga ba, iri kaŋ ga miila iri na Irikoy fargandi nda iri kanyaŋey, nda iri sandayey, amma manti yadin no. Irikoy baakasina si to nga me.

### **Baakasinay manti teera no Irikoy se, A alhaalo no.**

Ba zunubiteero kaŋ ziibi da borey kulu, i kulu furko kaŋ mana bay ga baafunay ndunnya boŋ, wo kaŋ tufa Yesu moyduma gaa ka ne: “ay si ba ay ma hay kulu te nda ni, a kaanu ay se ay ma koy jahannama” ba bora din, Irikoy ga ba ra. Yadin ga, mate no A ga jaŋ ka ba borey kaŋ A suuban ga gisi kambu ga A sijiuro se?

Magar ni ne: “Ay na Yesu ta ay bina ra, ay ga ba ra” amma, ay g’arañ hañ hunkuna, man ga me cine no arañ miila Irikoy ga ba arañ?

**Sanni ne kañ ga dogon arañ se: Irikoy ga ba ni.**

Hay kulu kañ arañ dondon, wala hay kulu kañ arañ caw, wala arañ ceeci Irikoy boñ, nga no arañ mana yadda kañ Irikoy ga ba arañ, arañ si koy da jine arañ dirawo ra Irikoy banda. Irikoy baakasina arañ se ga ti arañ cimi beero kaajo, zama nda baakasinay no a n’ arañ faaba zunubi ra. Kaajo din boñ no, arañ ga hin ga koy nda jine A goyo ra kañ sinda humburukomay. Arañ ga ba arañ ma du A baakasina?

Irikoy ga ba arañ!



# 2



## AY GA BOORI GUMO MO?

*“Beeje mo si boro haawandi, zama Biya Hanna, kaŋ Irikoy n’iri no, n’iri biney toonandi da Irikoy baakasina. Zama za iri go londibuunoyan, Almasihu bu alwaati toonante ra borey kaŋ yan wangu Irikoy se.*

*Da cat no boro ga bu adilante se, amma hambara boro fo ga te bine-gaabi ka bu boro hanno se. Amma Irikoy go ga nga baakasina cabe iri se, zama, za iri go zunubiteeriyay no, Almasihu bu iri se.*

*Sanku fa, sohoŋ kaŋ iri ciya adilanteyay Irikoy jine Almasihu kuro do, Irikoy g’iri faaba nga futa ga Almasihu sabbo ra. Zama Irikoy n’iri sasabandi nda nga bumbo a izo buuyajo do waato kaŋ iri go ibareyan, sanku fa sohoŋ kaŋ iri go sasabante iri ga du faaba Almasihu fundo do.” - ROMEY 5:5-10*

Iri ga ba, iri kaŋ yan cimandi kaŋ Irikoy ga ba iri da iri goro fondo hanna boŋ. Boro boobo si ba ngey boŋ, i ga miila sahadin kaŋ Irikoy baafon dey. A ka ga gar, Irikoy sanno ne: “Adam-ize ya ifo no binde hala Ni ma fongu a ga?” Zabura 8:5.

Irikoy ga ba araŋ, araŋ ya suubanante no. Wone no ga cabe kaŋ i n’araŋ ka waani, araŋ hinne. Araŋ ma si ceeci ga hima ay, wala ay ma hima araŋ. Iri ga bakarandi da iri ceeci ga hima “boro waani fo.” Fondo no araŋ feeri ibilisi se a ma ci araŋ se “a boori gumo.” Yesu “boori gumo” araŋ se. A n’araŋ zunubey alhako bana.

Irikoy sanno ne, A ba iri gumo hal A bu iri se, ga bisa wodin, a ga

ba iri koyne sohoŋ kaŋ A n'iri fansa nda Nga kuro. (Romey 5:8-9). A ga ba araŋ gumo hal a ga araŋ zaari kulu taaley daabu, a ga araŋ moorandi hay laalo kulu.

Misa fo ne kaŋ ga cabe mate kaŋ Irikoy go ga di araŋ gazeyaŋey nda araŋ darayaŋey. Iri ma sambu danga wandiya-ize kaŋ gonda jiiri hinza wala itaaci laasaabay, kaŋ ga nga ja guna waati kulu a go fu goy te.

A ga ba nga ja hal ga to nankaŋ han fo, a na zara-zara sambu, a na hari daŋ taasa ra, a sintin ga jawo ga portey nda fenetreŋ tuusuyaŋ. A ga fenetreŋ ziiri, a g'i tuusu nga hina me.

Cimi no saafun kayna ga cindi fenetreŋ ga, wandiya-izo din, zara-zara calle hanno no a daŋ ga goyo te nda. Sohoŋ a ka, nda jinde baano a ne: “ay ja, ay ja, ay na fenetro yum ni se. Ay ga ba ni ay ja.”

Na kaŋ to nda baakasinay ga ne: “A boori hankan ni te, ay saabu nda gayaŋo kaŋ ni te ay se.” Waati kaŋ wandiya-izo go nga muraadu fo ra, jawo ga fenetro tuusuyaŋo banandi nga boŋ se.

A ga lokaci sambu ga ize wayo gaabandi a m'a haŋ gaakasinay, koyne a g'a dondonandi mate kaŋ a ga goyo te nda a ma boori.

Wodin no Irikoy te araŋ se. Wa araŋ kookari kulu te, nga no a go ga batu araŋ ga. A g'araŋ ga araŋ ma koy da jine d'araŋ n'A ceeci.

*“Zama bora kaŋ Irikoy donton, Irikoy sanno no a ga ci, zama Irikoy si ga Biya Hanno no a se da neesiyaŋ. Baabo ga ba izo, a na hay kulu daŋ a kamba ra mo.” Yohanna 3:34-35.*

Han fo kaŋ ay go ga ayya wo caw, ay he farhaŋ heeni zama ay faham kaŋ Irikoy si nga Biya Hanna jabu ga no. A si boro no wone jare, wo handi jare. Nga wo nooko beeri no, a ga hin ga boro no ga bisa wokaŋ boro ga tammaha. (Afasey 3:20).

Irikoy ne: “Zama ni ya dumi hanante no Rabbi ni Irikoyo se. Rabbi ni Irikoyo na ni suuban dumey kulu kaɗ go ndunnya ra game ra zama ni ma ciya a wane. Rabbi mana nga baakasina sinji araɗ ga, wala a mana araɗ suuban mo zama araɗ laasaabo ba ka bisa dumi kulu wano. Zama daahir, araɗ go boro ciraariyaɗ ka bisa dumi kulu.” Asariya Yaarayaɗ tira 7:6-7.

Cimi no kaɗ se iri ga farhaɗ. Irikoy ne: “Ay na ni suuban zama ni wo waani no. Ay na ni suuban manti zama ni ga boori se, wala ni ga beejandi se amma zama ay ga ba ni.” Ni bay hankaɗ Irikoy ga ba ni se hunkuna?

A ga ba araɗ ma A baakasina ta. Wa fay nda araɗ sandey ciyaɗ A se; A g’araɗ bay ka boori ! waato kaɗ a n’araɗ candi ga maanandi Nga, a ga hay kulu bay araɗ boɗ, ba araɗ darayaɗey kaɗ araɗ ga te.

Jooteyaɗo iri bayaney se ga ti, iri si ba care. Iri si naanay kaɗ Irikoy wala boro fo ga hin ga ba iri. Iri ga miila: “Mate no a ga te ga ba ay, ay kaɗ sara!”

D’araɗ miila kaɗ araɗ wo boro laala no, araɗ ga asaraw te. Araɗ si hin ka bisa alhaalo kaɗ araɗ n’araɗ boɗ laasaabu ga, araɗ bina ra.

Jiiri boobo kaɗ bisa, ay sanday beero ga ti ay si ba ay boɗ. Ay na alwaati boobo sambu ga ceeci g’ay boɗ barmay ay ma ciya wo kaɗ ay miila. Ay miila kaɗ ay ga salaɗ gumo, ay ceeci ay ma dangay. Waati kaɗ ay si salaɗ mo, ay ga faabu, ay ga te anogo, bora kulu ga sobay g’ay haɗ ifo se no ay si salaɗ. Ay ga tu i se: “Araɗ ne ay se ay ga salaɗ gumo! Wa fanda ay! Ay go kookari ga dangay!”

Ay si hin ga ci araɗ se jiiri marje no a sambu. Kulu nda yadin, ay go ga du sanday nda ay meyo. Sannikom boobo na dangaykomyaɗ hiiji. I alhaalo ga fatta taray ga tonton, ibilisi mo g’i fongandi waati kulu.

Irikoy ga ba Nga m’araɗ fansa ciito din ra amma araɗ ga laami nda

cimi beeri nda anniya. Arañ ga bay, mate kulu kañ no arañ n'arañ boñ ciiti nda, a si hin g'arañ fansa taalo kañ arañ te ga.

A ga gaabu arañ ma yadda kañ Irikoy ga ba arañ ba kañ hay laalo no arañ te. Wokañ saytan ga ba ga ti, a ma kakaw dañ arañ lakkalo ra, a ma cabe arañ se kañ arañ si boori. “Guna hankañ ni te! Ifo no ni go ga ni boñ sambu? Irikoy si albarka dañ ni ga alabada, koy ga furo ni muraadu ra kañ bisa ni se. Irikoy si goy nda ni, A si tu ni aduwey se. Ni si hin ga hay hanno kulu te.”

Alwaato din ra no arañ hima ka tun nda anniya ga ne: “Baaba, ay na taali te, m'ay yaafa. Ay go ga ni n'waaaray da bine kwaaray, ay ga laami nda ni yaafayaño” Wa tu saytan se, w'a fongandi kañ Yesu n'arañ zunubey alhako bana, arañ du yaafayañ, a n'arañ fansa ga ka ciiti kulu ga. Sohoñ ma koy da jine, ma ma ni baafuna kaani ! Wa naanay Irikoy ga, wa ciya mo albarka hari arañ windanta borey se.

Arañ miila magar: “Ay ga ye ga teera laaley filla koyne.” Kala d'ay fanda ay boñ ciitiyañ hala miila din ga daray. D'arañ fanda arañ boñ ciitiyañ arañ teegoy laaley se, a g'arañ ga, arañ m'arañ alhaalo hanse.

Boñ kalimayañ nda boñ ciitiyañ, tinay no kañ g'arañ faabandi, i si nañ arañ ma zaada. I g'arañ gaabo ka, arañ ga waasi ga kañ zunubi ra. Kala da boro yaaru hala boro ga du nooyañ kañ ti Irikoy yaafa.

Ibaro ga ni si ga ne: “A si dooru ni ga ba kayna? Ni hima ga ni boñ kalima lokaci kayna fo. Wo kañ ni te sohoñ si boori fa!” Tuyano kañ ni ga ci: “Abada, ay si ma doori.” A si faala sintina ga, amma ga koy da jine, ni ga hin g'a te a ma boori.

Isaya 53 ra iri caw, waato kañ Yesu n'iri zunubey sambu, a n'iri bine sarayey mo jare. Ibilisi si ba iri ma du iri boñ. Ifo se? Zama d'arañ go g'arañ boñ ciiti ka zeeri , arañ si hin ga fulanzam Irikoy baakasina ra. Ciiti ga zeeriyañ g'arañ fay nda Irikoy, Irikoy ga

fun arañ banda.

W'arañ diraw te lakkal ga kañ sinda ciiti kulu, wa cimandi mo kañ Irikoy ne nga gomno ga wasa g'arañ zunubey daabu. Cimi A n'a miila. A ga ba arañ, A gomno nda A yaafa, nooyañ no iri se. Wa du ey hunkuna da.

# 3



## BAAKASINAY WO MARGASINAY NO

*“Iri mo, iri ga baakasina bay kaŋ Irikoy gonda iri se, iri n’a cimandi mo. Irikoy ya baakasina no. Boro kaŋ goono ga goro baakasina ra, a goono ga goro Irikoy ra, Irikoy mo goono ga goro a ra.” – YOHANNA Tira Sintina 4:16*

Mate no boro ga te ga faham ka tonton nda Irikoy baakasina? Mate kulu kaŋ cine A ba araŋ; d’araŋ si bay, yaamo no a baakasina. Wa fongu nda kaani kaŋ araŋ ga ma da boro fo na nga baakasina cabe araŋ se. D’araŋ bay kaŋ i ga ba araŋ, araŋ ga naanay araŋ boŋ ga. Irikoy ga ba araŋ, a go g’a cabe araŋ se. A go g’iri afo kulu ce iri ma bara nda margasinay guuso nda. A ga ba Nga ma bara araŋ sijiirey kulu ra. A ga ba Nga ma lokaci sambu araŋ nda se.

**Araŋ hinne bay ga du cimi margasinay nda Irikoy?** Manti zama araŋ g’araŋ boŋ sambu Almasihu ganako no ga cabe kaŋ araŋ gonda margasinay hanno nda Irikoy.

Za jiiri boobo no ay ciya almasihu ganako hala ay g’ay dirawo hanse a ma boori Irikoy banda. Ay ga koy Eglisia alhadi kulu, ay gonda goy kaŋ ay ga te amma Irikoy si ay Baafuna bindo ra. Ay go koonu, ay si saabu. Sohoŋ, nga no ga ti boro jina kaŋ ga ay ga fongu susubay, nga no ga ti boro kokoranta kaŋ ga ay ga fongu hala ay ga jirbi. Iri maanu care zaaro me mudu. Ay kulu no ay si ba ga bisa ay ma goy ay Irikoyo se, ay m’a makaanandi. Guuso fo no go iri ra kaŋ Irikoy hinne no ga hin g’a daabu. Araŋ ga ba araŋ

ma furo margasina din ra? Arañ soola arañ ma Irikoy nda A hina dañ arañ muradey jine? Arañ ga hin ga ci sanda Bulus: “Zama a ra no iri goono ga funa, iri goono ga nyooti.” Diyey Teerey 17:28.

Irikoy ga ba arañ, arañ ya suubanante no a moyey se. A n’arañ taka arañ ma margasinay nda. Wodin no A ga ba, sijiri no kañ A te arañ fundo se. A go ga salañ susubay kulu, zaari kulu arañ bina ra, A ne: “Kani baani, Ay ga ba ni.” Da ni mana ma A jinda gina, ni ga ba ni ma sintin g’a hangan, ni m’a cimandi mo?

Ay coro fo na hindiri te kañ ra susubay kulu Irikoy ga koy boroyan do waati kañ i tun jirbi. A ga ka ga salañ i se corotaray ra. A ga ka ga goro i teeburo ga amma, borey wo ga koy i ga ka, i ga ne Irikoy se: “Ay batu, goro kayna fo newo. Za d’ay ban hankañ ay go ga te, ay ga ka ga goro ni banda; amma manti sohoñ, d’a tonton kayna Rabbi.”

Wayna go koy ga kañ, kala Irikoy ma fatta i fuwey ra nda bakaraw zama boro kulu mana ka ga salañ A se. Boro kulu sinda A se daama.

Wa s’arañ lokaci kulu no arañ muradey se arañ ma jañ ka du daama Irikoy se. D’arañ sinda alwaati kañ ga aduwa, d’arañ sinda A se alwaati, yadin ga goyey ba arañ se.

**Wa alwaati sambu ga ci Irikoy se mate kañ arañ ga ba ra.** Waati kañ hay kulu ga daray, Irikoy no ga cindi. Hay kulu, borey kulu no ga daray. D’arañ mana margasinay hanno te nda, alwaato koy, arañ si hin g’a sintin.

Ay go ga farhañ kañ ay baaba na Yesu ta, A ma ciya a faabako jiiri hinza banda hal a ga bu. D’ay baaba go alzanna, a mana fundi kañ zaama farhañ baafunay Irikoy banda. A baafunay nga boñ se. Wa si koy ga to arañ fundo me nda doñ d’ay bay, zama arañ na lokaci sara hay yaamo yan ra. Lokaci, nooyan no kañ fun Irikoy do, iri ma haggoy nda hankañ iri ga te. Lokaco kañ iri ga te Irikoy banda ga kande iri se tukunci hanno.

Ay g'araŋ yaamar, araŋ ma jiiri fo sambu, kaŋ ra, araŋ ga naŋ Irikoy ma ba araŋ. A baakasina ga kande kunguyaŋ, lakkal kanay nda farhaŋ. Wa haw faaru, araŋ ma te sanda A ize. Wa a sanno caw, wa ceeci g'A bay.

“Iri mo, iri ga baakasina bay kaŋ Irikoy gonda iri se, iri n'a cimandi mo. Irikoy ya baakasina no, boro kaŋ goono ga goro baakasina ra, a goono ga goro Irikoy ra, Irikoy mo goono ga goro a ra.” Yohanna Tira sintina 4:16.

Magar kaŋ araŋ tun susuba ra i mana ba araŋ. Magar araŋ sinda gaabi, araŋ ga yay zaaro kulu. Araŋ ga hin g'araŋ sijirey barmay nda gaabandiyaŋ sanni, nda cimi beeri.

Wa ci da jinde beeri: “Rabbi ga ba ay, ay wo A moy hamno no, A gonda sijiri hanno ay baafuna se.” Araŋ ga hin g'araŋ zaaro bare sam sam, d'araŋ go ga salaŋ Irikoy nda A sanno boŋ, ga bisa araŋ se araŋ ma ka g'araŋ sandey nda araŋ bine sarayey laasaabu. Malaykey ga hangan Irikoy jinda se iri jooteyaŋey ra.

Araŋ ma salaŋ araŋ boŋ se, araŋ ma te lakkal ga bay kaŋ Irikoy baakasina go g'araŋ windi. Irikoy Tira Hanna ne kaŋ Irikoy na araŋ jeeri Nga kamba ga. (Isaya 49:16) Ay ga ma A ga ne: “Wa guna mate kaŋ i ga boori, ay izey, ay ga ba rey, ay izey kaŋ go ne ay Kamba ra.” Araŋ g'a fongandi kaŋ A ga ba araŋ, kaŋ A ga ba Nga ma margasinay d'araŋ.

### **Wa saabu A se, araŋ ma naanay A ga.**

Wa fongu ga saabu Irikoy se, araŋ ma bara nda margasinay hanno care banda. Han fo yaŋ kala da boro gurfa Irikoy jine ga saabu A se, iri faaba se. Ma bay kaŋ Irikoy ga ba araŋ, g'araŋ ga araŋ ma naanay A ga nda A adilitara ga.

Cimi beeri kaŋ ga beeri no ga kande zaamayaŋ zunubi boŋ, baani, zaadayaŋ, farhaŋ; albarkey wo kulu ga zumbu, d'araŋ naŋ Irikoy



ba arañ.

Ce boobo, iri ga miila: “Ay hima ka ba Irikoy” Ay ga miila kañ arañ hima ka nañ Irikoy ma ba arañ gina. Ay si miila kañ arañ ga hin ga baakasinay cabe Irikoy se, d’arañ mana nañ A ma jin ka ba arañ. Irikoy tira ne, iri ga ba ra zama Nga no jin ka ba iri (Yohanna Tira Sintina 4:19).

Da Irikoy ne ay ma lokaci te Nga banda, ay ga goro ay m’a hañ: “Ifo n’ay ga te sohoñ Rabbi?” A te Alwaati ay mana bay mate kañ ay ga margasinay nda Ni, zama ay si bay man me cine no A ga ba ay, ay mana faham mo, kañ A ga ba ay ma ciya A coro.

Yadin ga wa anniya wone sambu: Arañ ma Irikoy no daama arañ nda ma goro, A g’arañ dondonandi mate kañ arañ nda ga margasinay. Manti dobo hari no, wa nañ Biya Hanna m’arañ candi. Irikoy ga ba iri ma ga feeri nga banda. Irikoy Tira Hanna ne, Nga no ga ti iri fuwo, iri tuguyaño do, iri gumyaño do.

# 4



## BAAKASINAY, NAANAY NDA CIMI BEERI

*“Zama Almasihu Yesu ra dambanguyaŋ wala dambanguyaŋ-jinay si hay kulu hanse, kala cimi beeri kaŋ ga goy baakasinay do.”— GALATEY 5:7*

Boro boobo iri game ra ga ceeci ga du cimi beeri. Iri ga bay kaŋ d’iri sinda cimi beeri, iri si hin ga kaanu Irikoy se. (Ibraniyey 11:6) Yadin ga, iri ga tangam ga du cimi beeri. Amma cimi beeri wo bine ra no a ga fun, boro si dua mo kala da boro bara nda baakasinay margasinay hanno nda Irikoy. Ay si hin g’araŋ cawandi cimi beeri amma ay ga hin g’araŋ fahamandi nda fondey kaŋ ga naŋ araŋ ma te a laami, araŋ ma ceeci ga du a.

Wa naŋ tangamyay ga du cimi beeri, wala ga Irikoy beejandi, wa araŋ lokaco nda araŋ kokaro te Irikoy se, araŋ ma ba Irikoy, araŋ ma A baakasina ta.

“Zama iri go ga dira cimi beeri ra, manti mo diyaŋ ra.” Korintey hinkanta 5:7. Ayya wo ne; ay si hin ga dira cimi beeri ra, da manti ay cimandiyaŋo boŋ Irikoy ga. Han fo kaŋ ay go ga sanno wo caw, ay ma Irikoy gaabo go g’ay toonandi.

Ay baafuna sijirey kulu ra, ay ga ba ay ma koy nda jine nda cimi beeri. Araŋ binde? Araŋ ga ba ra?

Ay g’araŋ yaamar araŋ ma kay ga ayya wo laasaabu. W’araŋ boŋ haŋ, ifo n’araŋ go ga ma araŋ nda Irikoy margasina ra. Boro kaŋ

ga miila Irikoy mana nga burcinandi si hin ga koy nda jine cimi beeri ra. Iri adilitara si ga sinji hankaŋ iri te boŋ, wala wokaŋ iri ga te boŋ, a go ga sinji no wokaŋ Yesu te boŋ.

Galatey 5:6 ne cimi beeri nda baakasinay no go goy care banda. Boro boobo ga miila kaŋ da ngey ba boro cindey kulu, ngey ga du hankaŋ ngey go ga ceeci Irikoy ga. Ba kaŋ Irikoy ga ba iri ma koy nda jine baakasinay ra, a ga mongu iri se, d'iri mana fanda A ma jin ka ba iri. A ga dogon, iri si hin ga hay kaŋ si iri se noyandi.

Araŋ ga miila magar, “Ay ga ba ay m’a cimandi amma, mate no ay ga te ga to?” Araŋ gonda Irikoy baakasina araŋ ra, wokaŋ araŋ ga te ga ti, araŋ ma sintin ga baakasina kaŋ A gonda araŋ se seedey bay.

Irikoy Tira Hanna ne: “Iri ga ba zama Nga no jin ka ba iri.” Yohanna Tira sintina 4:19. A ga gaabu araŋ ma ba Irikoy d'araŋ mana tabbatandi kaŋ Nga no jin ka ba araŋ.

Wone kulu go araŋ ra, araŋ bina ra. A go noodin! Irikoy ga ba araŋ! Araŋ gonda beeray, araŋ gonda nooyan, araŋ ya suubanante no! Boro kulu ndunnya boŋ no si hin ga ba araŋ mate kaŋ Irikoy ga ba araŋ. D'araŋ ga alwaati sambu ga laasaabu Irikoy baakasina boŋ, araŋ ga du g'araŋ cimi beero fansa, araŋ ga du ga baafunay te, wokaŋ dumi Irikoy ga ba araŋ se.

Araŋ si laami nda boro fo kulu da manti Irikoy, amma A ga boro yan daŋ araŋ fonda boŋ kaŋ g'A baakasina cabe araŋ se. Irikoy ga ti araŋ coro hanna, ɲa nda baaba kaŋ araŋ mana du. Nga no ga ti hay kulu kaŋ araŋ ga laami. Wa si daray ga Irikoy ŋwaaray A ma hariyan te araŋ se; wa ŋwaaray A ma goro araŋ baafuna ra.

### **Irikoy ga ba araŋ, A ga ba Nga m'araŋ bine bayey toonandi**

A ga ba Nga m'araŋ toonandi Nga sijiro boŋ. A ne Ibrahim se Nga ga albarka daŋ a ga, a ga ciya albarka hari boro cindey se. Wodin

no Irikoy ga ba araṅ se amma, kala d'araṅ cimandi! W'araṅ cimi beero taṅ, araṅ ma Irikoy alkawaley cimandi zama araṅ wone yaṅ no!

“Zama gomni nooyaṅ do no Irikoy n'araṅ faaba, araṅ cimandiyaṅ do. Faaba wo mo, manti araṅ do no a fun, amma Irikoy nooyaṅ no.” Afasey 2:8.

Araṅ bay kaṅ araṅ mana hay kulu te ga du faaba? Iri kulu no sara hal Yesu ga iri faaba g'iri no fundi hal abada kaṅ manti iri goy hanney sabbay se. Hay follonṅ boṅ: “Zama Irikoy ba ndunnya, hal A na Nga Izo follonka no, zama boro kulu kaṅ g'a cimandi ma si halaci amma a ma du fundi hal abada.” Yohanna 3:16.

Gomni maana ga ti, Irikoy no ba, A na Nga dabaro samba iri fundey ra a ma iri laamey kulu dogonandi. Sanda, Irikoy nda nga gomno n'iri no cimi beeri iri ma du ka du fundi hal abada. Kulu nda yadin, baakasinay ra no A n'iri no cimi beeri kaṅ ga naanay kaṅ Nga no ga baani no. A n'iri no cimi beeri kaṅ ga cimandi kaṅ Nga no g'iri laamey dogonandi.

Hala day cimi beero kaṅ A n'araṅ no wasa g'araṅ faaba, g'araṅ zunubey ka, cimi beeri follonka din no g'araṅ laamey dogonandi. D'araṅ cimandi kaṅ Irikoy ga ba araṅ, d'araṅ te lakkal, araṅ ga sintin ga naanay A ga. Araṅ ga ma araṅ bina ra kaṅ Irikoy ya adilante no, A ga Nga alkawaley toonandi.

Irikoy Tira Hanna ra, cimi beeri wo “borotaray fullanzamay no Irikoy boṅ, nda naanayaṅ A gaabo ga nda A lakkalo nda A booriyano ra.” (Kolosiye 1:4). D'araṅ fanda Irikoy ma ba araṅ, araṅ ga dondon g'a si ga di. D'araṅ margasina nda Irikoy go ga guusu ga tonton, araṅ cimi beero mo ga beeri. Araṅ ga di, Irikoy ga dambara hariyaṅ te araṅ se, araṅ mo ga dambara hariyaṅ te amma kala d'araṅ du A baakasina bangandi gina. Irikoy ga ba araṅ! Ma si ye ga sikka alabada.

# 5



## FANSAYAD HUMBURUKUMAY RA

*“Humburkumay si baakasinay ra, amma baakasinay toonante ga humburkumay gaaray, zama boro kaŋ ga humburu, goojiyaŋ sabbay se no a goono ga humburu. Boro kaŋ goono ga humburu mo, manti toonante no baakasinay ra.”– YOHANNA Tira Sintina 4:18*

Iri ga hin ga to nangu fo iri baafuna ra kaŋ, waati kaŋ iri go ga iri diraw te cimi beeri ra nda naanay Irikoy ga, iblisi ga ceeci g’iri wongu. Iri baafuna sijirey g’iri cimi beero si han fo yaŋ. Sikka si boro boobo se I ma cimandi kaŋ Irikoy ga ba rey, kala waati kaŋ I baafuna sijirey cabe i se kaŋ manti yadin no.

Ibaro ga ka nda humburkumay, nda ciiti g’araŋ fay nda hay follonka kaŋ g’araŋ ga: Irikoy baakasina.

A ga ne araŋ se: “Haba! ay miila kaŋ Irikoy ga ba ni no, ifo se no hayey go ga du ni?” Alwaati sanday ra, sandey kaŋ iri ga miila mana hagu , ga naŋ naanay k’iri sinji Irikoy ga ma daray. Irikoy si hayey te mate kaŋ iri ga ba, wala alwaato kaŋ iri ga ba ra.

**A gonda sijiri kaŋ beeri nda iri wona.** A ga ba nga ma iri barmay ga bisa A ma iri sijiirey barmay. Han fo yaŋ, sanday yaŋ no a ga gaaru iri jine, kaŋ ga naŋ iri ma naanay A ga. Alwaatey din ra kaŋ iri si faham no, a ga faala iri ma kaŋ kumsay ra, iri ma miila kaŋ Irikoy si ba iri. Irikoy Tira Hanna ne iri ma si naŋ hay kulu m’iri fay nda Irikoy baakasina kaŋ iri du Yesu ra (Romey 8:35-39).

Waati kaŋ iri gonda bine saray, hay hanna kaŋ iri hima ga te ga ti, iri ma kaati: “Rabbi, ay ga bay kaŋ ni ga ba ay, ay ga cimandi kaŋ, wo kaŋ go ga du ay, ay hanseyan se no.”

Irikoy Tira Hanna na sanni gaabikooni fo ci: “Baakasinay toonante ga humburukomay gaaray.” Yohanna Tira Sintina 4:18.

Ay na lokaci kuuku sambu ga laasaabu ayya din boŋ, ay ma du a maana, kala zaari fo ay faham: Baakasinay toonante ga humburukomay gaaray, Irikoy no ti baakasinay toonanta din. D’araŋ bay kaŋ baakasinay toonanta din araŋ wone no, araŋ si naŋ humburukomay m’araŋ may. Ba d’araŋ go ga humburu, araŋ ga koy da jine Irikoy banda, zama araŋ ga bay kaŋ A go araŋ banda waati kulu.

D’araŋ bay kaŋ Irikoy ga ba araŋ, a ga gaabu araŋ ma humburu kaŋyaŋ. Araŋ gonda daama araŋ ma koy da jine zama, araŋ ga bay kaŋ Irikoy baakasina si ga singi araŋ waaniyaŋo boŋ. Araŋ si hin ga kaŋ d’araŋ go Irikoy dabaro cire. Fondo follonka kaŋ ra araŋ ga waasi ga kaŋ ga ti, d’araŋ naanay araŋ boŋ gaabi ga. A ga hin ga te hayey ma si te mate kaŋ araŋ na i soola nda. Doŋ hayey ga te i ma boori d’araŋ n’araŋ moyey sinji Irikoy ga.

**Irikoy baakasina ga beeri ga to ga hayey kulu daabu.** Araŋ tammaha kaŋ Irikoy kaŋ n’araŋ faaba, kaŋ n’araŋ fansa ga ye g’araŋ haw? Ibilisi no ti hawko. Nga no ti araŋ biya ibaro. Nga ya zay no, taarikom no, amma Yesu ga ba araŋ ma ma araŋ fundo kaani. (Yohanna 10:10).

Yohanna Tira Sintina 4:18 no naŋ ay faham kaŋ Irikoy baakasina ga humburukimay gaaray. Ay na ayya wo si.

Iri gonda sanday nda iri mota. Iri miila kaŋ kala d’iri na haya kaŋ ga tunandi barmay amma iri sinda nooru kaŋ g’a te. Iri go ga sobay ga moota zurandi yadin. Susubay fo, ay du gaabandiyaŋ ay bina ra. Irikoy ci ay se: “Joyce, ma ba ay hunkuna zaaro kulu, ma naŋ mo

ay ma ba ni. Ni ma si hay kulu te. A mana to ni ma ciya wayboro kaŋ gonda cimi beeri bambata. Hankaŋ ni ga te, ma fullanzam ay baakasina boŋ.” Kala ay sintin ga baytu Irikoy se, baytuyaŋ kaŋ ay mana soola, lokaco din boori ay se. Sahadin da, ay kurpe n’ay ce ga ci ay se kaŋ moota tunandiyaŋ guuro no ceeri kala i ma barmay. Ay sintin ga haaru sahadin da. Haara din go ga fun ay biya ra kulu Irikoy cabe ay se kaŋ zama ay naŋ A ma ba ay zaaro kulu se no. **Ay haaru zama ay ga bay kaŋ Irikoy baakasina go no.**

Ibrahim na cimi beeri haray te. Waato kaŋ Irikoy ka ga ne a se a ga du ize aru, a haaru ! A ga bay kaŋ saye kulu si nga nda Sara se i ma du hayyaŋ amma a cimandi Irikoy ga, a na nga farhaŋ cabe haaray ra. Ay ga tammaha da iri te ya dumi, fondo no iri feeri Irikoy se A ma dambara goy te. May no ga haaru sanday jine? Irikoy Tira Hanna ne, Irikoy go ga goro beene, A go ga Nga ibarey haaru. Da Irikoy ga hin g’a te, iri bumbey da ga hin. Wa koy da jine, wa cimi beeri haray te. Da wodin kulu, Irikoy ga ba araŋ. **Da Irikoy go iri se, may no ga gaaba nda iri?**

# 6



## BAAKASINAY GA KAMBE SALLE

*Yesu bumbo n'iri no lordo wo: "Boro kaŋ ga ba Irikoy ma ba nga ja-izo." – YOHANNA Tira Sintina, 4:21*

**Araŋ ya Irikoy ize no, araŋ ya suubanante no.** I na hantum Assariya Yarayaŋ 7:6 tira ra. D'araŋ sintin ga goy ya cino, ndunnya ga sintin ga barmay. Araŋ ga koy habu nda haaray, ma fongu: i ga ba ni. Hay kulu ga boori, ay ga hin ga albarka daŋ boro cindey ga nda baakasina kaŋ ay du Irikoy do.

Wa bara nda farhaŋ nangu kulu kaŋ araŋ ga koy, araŋ farhaŋ ga ciya albaraka hari boro cindey se. Zabura 100:2 ne: iri ma goy Rabbi se nda farhaŋ.

D'araŋ sintin ga bay kaŋ araŋ wo suubanante no Irikoy siji ro ra, nga no araŋ go ga baakasinay cabe, araŋ ga hin ga du ndunnya Yesu se. Baakasina din g'araŋ ka humburukumay ra, araŋ si ye ga humburu araŋ ma kambe salle boro cindey se. Araŋ si humburu i m'araŋ furu wala i m'araŋ goyandi; Irikoy baakasina g'araŋ ga araŋ ma di borey kaŋ go araŋ windanta laamey, A g'araŋ ga araŋ m'i gaakasinay.

Irikoy ga ba araŋ ma cimandi kaŋ araŋ ga dambara goyyaŋ te zama Yesu go A do. Araŋ cimandi kaŋ araŋ ga hin ga goy Irikoy se? Irikoy g'araŋ no araŋ cimi beero neesijo me. Araŋ ma si humburu ga koy da jine. Ay si hin ga ci araŋ se, ce marje no ay bara "cimi beeri balaawu" jine, kaŋ ay ba ga assaraw te, kala ay ma ma Irikoy



ma ne ay se: “Koy Joyce, sobay ga koy! Ay ga hay beeriyaŋ te ni se.” **Ay sar cimi beeri ra, Irikoy mana bay g’ay furu.**

Araŋ ga bay hankaŋ se no ay si humburu ay ma hari te wala ay ma kaŋ? Zama ay ga bay Irikoy ga ba ay. A ga ba ay, A ga bay kaŋ ay ga ba ra, koyne, A gomno sabbay se no ay n’ay fundo salle. D’araŋ ga ba Irikoy, d’araŋ ga bay kaŋ A ga ba araŋ, yadin ga, sanday kulu si no kaŋ araŋ si hin ga ganandi. D’araŋ miila ga ti araŋ ma borey ga, Irikoy g’araŋ ga. A mana to araŋ ma bara nda arzaka boobo; araŋ m’araŋ boŋ no Irikoy se, Nga mo ga wokaŋ cindi te.

Araŋ ma si baafunay gunuante te, kaŋ araŋ boŋ hinne se no araŋ ga ceeci, araŋ boŋ muraadey hinne no araŋ ga haggoy. Wa Irikoy nwaaray hankaŋ araŋ ga ba, araŋ ma cimi beeri goy te ga boro cindey ga. Wokaŋ araŋ te boro fo se, Irikoy g’a te araŋ se. Waati kaŋ araŋ gonda laamiyaŋ, araŋ ma fongu dumari ga ka bisa laami. Waati kaŋ araŋ na kambe salle boro fo se, dumariize no kaŋ araŋ duma, d’araŋ n’a wi, araŋ bumbo ga ba ra araŋ fundo se.

Boro kulu no ga ba zaadayaŋ, amma iri hima ga faham, ifo ga ti zaadayaŋ hanno. Maana ga ti boro ma goy nda Irikoy dabaro g’iri muraadey gasandi nda. Irikoy baakasina g’araŋ ga araŋ ma boro cindey muraadey daŋ araŋ woney jine. Araŋ ga miila kaŋ Irikoy ga ba araŋ hal A g’araŋ no hini araŋ ma ba borey, ba wokaŋ yaŋ ga korna araŋ, ilaaley, wokaŋ yaŋ si saabu?

A ga dogon boro ma ba boro kaŋ ga ba boro.

Irikoy gaabo hinne no g’araŋ gaakasinay araŋ ma ba borey kaŋ si ba borey. Irikoy baakasina kaŋ sinda me g’araŋ ga araŋ m’a te.

Yaamo no iri ga du baakasina din, wodin se no iri mo g’a no yaamo. Irikoy baakasina g’araŋ barmay, a g’araŋ windanta mo barmay. A ga hin ga sambu jiiri fo, jiiri gu, wala jiiri waranka cindi gu, amma wodin ga boori. Za alwaati marje no Yesu n’araŋ battu? Baakasinay gonda suuru nda lalabu. Irikoy ga ba araŋ, A ga

ba borey kaŋ go araŋ windanta wokaŋ yaŋ du faaba nda wokaŋ yaŋ man du. A ga ba araŋ ma goy Nga se, ga Nga baakasina fe.

**Wa si humburu ga kambe salle borey se.**

Irikoy baakasina n'araŋ faaba humburukomay nda ciiti ra; A baakasina g'araŋ no gaabi kaŋ ga ba.

Wa anniya daŋ ga Irikoy baakasina fay. Araŋ ga hin ga sintin da corotaray nda borey. Ga-feeriyaŋ, fondo dogonante no kaŋ boro ga hin ka baakasinaŋ cabe nda borey kaŋ yaŋ biney sara se, nda borey kaŋ go ngey hinne se. Araŋ ma borey burŋe i ma ka ga ŋwa, araŋ m'araŋ fu meyey feeri. Araŋ ma kambe salle nda haaray. Araŋ ma boro ganday waati kaŋ a ga hima. Araŋ m'araŋ gorokasiney ga, araŋ ma goyize taaji kubayni ihanno araŋ goy fuwo do. Irikoy gonda goy araŋ se. Manti goy bambata fo no kaŋ moy ga di, amma a gonda maana beeri Irikoy do.

Boro yaŋ goono kaŋ, araŋ hinne no ga hin ka goy i do. Ma Irikoy nwaaray a ma cabe araŋ se mate no araŋ ga te ga ciya A baakasina seedako. A g'araŋ ga.

# 7



## IRIKOY BAAKASINA G'ARAŃ BARMAY

HankaŃ ga ti baakasinay neeya:

*“Manti sanda iri no ba Irikoy bo, amma nga no ba iri ka nga izo donton a ma ciya sasabandiyay sargay iri zunubey sabbay se.”—  
YOHANNA Tira Sintina, 4:10*

Irikoy ga ba iri, amma ay si bay hala iboobo iri game ra ga faham nda baakasina kaŃ dumi no Irikoy ba iri. Waato kaŃ ay na sanno wo caw, Irikoy cabe ay se kaŃ d'iri faham da baakasina kaŃ dumi A ba iri, doŃ iri teerey ga barmay.

Wa laasaabu baakasina kaŃ Irikoy gonda iri se boŃ. Da hay fo go araŃ ra kaŃ araŃ si ba, d'araŃ bay kaŃ Irikoy baakasina go araŃ banda, kaŃ a g'araŃ barmay, g'araŃ ga araŃ ma ba fonda. Hal day waati kulu araŃ go bine saaray ra araŃ taaley sabbay se, araŃ si barmay alabada. Wa fongu kaŃ Irikoy cimi beeri no a ga goy nda, cimi beeri cimi cimo mo g'iri no Irikoy lakkal kana. (Ibranyey 4).

Ay ga tabatandi kaŃ boro boobo kaŃ go ga tira wo caw sinda lakkal kanay ngey boŃ se. I si ba ngey boŃ, magar i ga korna ngey boŃ. D'araŃ go cawko wone yaŃ game ra, kaŃ gonda sanday nda ngey boŃ, ay ga ba ay m'araŃ fongandi kaŃ, araŃ ga hin ga korna hay laaley kaŃ go araŃ ra, amma araŃ mana hima ga korna araŃ boŃ.

Yesu bu araŃ se, baakasinay beero kaŃ a gonda araŃ se sabbay se, hay kayna kaŃ araŃ hima ga te, ga ti araŃ ma nooyaŃ caadanta din

ta. “Zama sanda mate kaɗ a goono ga miila nga bina ra, yadin mo no a go.” Yaasayey 23:7.

D’araɗ si kaanu araɗ boɗ se, araɗ bina ga sara ga tonton no. D’araɗ mana faham mo kaɗ araɗ ya suubanante no, araɗ si bara nda miila hanno. Yadin no a ga ciya hala day araɗ mana yadda araɗ bina ra kaɗ, Irikoy baakasina gonda gaabi kaɗ g’araɗ baafuna barmay.

Irikoy ga ba araɗ ma lokaci gisi Nga se zaari kulu. Wodin no g’araɗ barmay. D’araɗ mana Irikoy daɗ jine araɗ baafuna ra, danga araɗ mana A no fondo, A ma wokaɗ a soola araɗ se te. Lokaco kaɗ araɗ ga te care banda, kaɗ araɗ ga ba ra, kaɗ araɗ ga fanda a ma ba araɗ, nga no g’araɗ no gaabi, yaaruyaɗ, nga no g’araɗ barmay araɗ ma ciya Almasihu ganako kaɗ nin.

Borey ga alhaɗ ceeci waati kulu, I si lokaci sambu mo ga margasinay hanno cina ngey nda Irikoy game ra. I ga ba ngey m’a te amma i si waani ga Irikoy sanno caw,I si waani ga aduwa. Ba boro ma borey gaakasinay bumbo ga hima ga ciya dondonandiyaɗ hari nda doonay .

**Irikoy baakasina g’araɗ barmay.** Kala day araɗ m’a si, ga no araɗ ga di araɗ bine bayey ga zaada. Araɗ ga ba araɗ ma ciya sanda bora kaɗ ba araɗ: Yesu. Boro ma Irikoy bay, boro ma goy nda A alhaalo araɗ baafuna ra, hima ga ciya hari jina iri baafuna ra. Bulus ne nga ga ba nga ma Almasihu bay nda dabaro kaɗ n’A tunandi ga ka buukey game ra. (Filibiyeɗ 3:10) Bulus ne kala nda anniya beeri hal boro g’a bay.

Araɗ ma kokari ga margasinay cina araɗ nda Irikoy game ra. Araɗ ga hin ga maanu Irikoy mate kaɗ araɗ ga ba. Kala d’araɗ soola g’A no lokaci.

Irikoy Tira Hanna ne iri ya Almasihu wakiiluyaɗ no kaɗ g’a ceyano ci ndunnya se. (Korintey hinkanta 5:20). Waati kulu kaɗ ay n’a sanno wo caw, a g’ay bina ham. A g’ay fongandi kaɗ a ga

boori boro ma Irikoy Biya gana, za kaŋ A g'iri barmay kaŋ ga naŋ,  
iri m'A sijirey kaŋ A te iri se toonandi.

Biya Hanna na Irikoy baakasina dooru iri biney ra. (Romey 5:5)  
Wa A ta, wa goy nda, wa naŋ A m'araŋ barmay!

# FUNDI TAJI SIYAD



D'araŋ mana bay ga Yesu burŋa A ma ciya araŋ Rabbo nda araŋ faabako, ay go g'araŋ burŋa sohoŋ. Araŋ ga hin ga aduwa wo te d'araŋ go cimandi, araŋ ga du fundi taji Almasihu ra.

*Baaba, ay cimandi kaŋ Yesu Almasihu ya ni izo no, ndunnya faabakwa. Ay cimandi kaŋ A bu ay se bundu garanta boŋ, A n'ay zunubey kulu jare. A tun bukey game ra, A zaama buyaŋ boŋ. Ay cimandi kaŋ Yesu ga funa sohoŋ, A go ga goro Ni kambe ŋwaaro ga. Ay ga laami nda ni Yesu. M'ay zunubey yaafa, ma ka ga funa ay ra. Ay ga ba ay ma du hayaŋ taji. Ay ga ba ay ma funa ni se. Ay saabu kaŋ ni n'ay faaba, m'ay ga ay ma baafunay taji te ni se.*

Ma cimandi sohoŋ kaŋ Yesu ga funa ni bina ra. Ma cimandi kaŋ i na ni yaafa, i na ni hannandi nda Yesu kuro, kaŋ ni ga koy alzanna da ni alwaato ban ndunnya boŋ.

Ma ceeci Eglisia kaŋ ga sanney cawandi, ma beeri mo Yesu ra. Hay kulu si barmay ni baafuna ra da ni si Irikoy sanno bay.

“D'araŋ goro ay sanno ra, araŋ ga ciya ay taalibiyaŋ da cimi. Araŋ ga cimo bay, cimo mo g'araŋ fansa.” Yohanna 8:31-32.

Ay g'araŋ yaamar araŋ ma sanno sambu araŋ boŋ se, araŋ m'a duma araŋ bina ra. Araŋ ga du barmayaŋ!

Baakasinay ra,

*Joyce*

# FAABA ADUWA



Irikoy ga ba arañ, A ga ba nga ma margasinay arañ nda hinne. D'arañ mana Yesu ta A ma ciya arañ se faabako, arañ ga hin g'a te za sohoj. W'arañ bina feeri a se hinne, arañ ma aduwa wo ci:

*“Baaba, ay bay kañ ay na zunubi te ni se. Ay ga ni ñwaaray, m'ay yaafa. M'ay hannandi. Ay ga alkawali sambu kañ ay g'ay naana sinji Yesu ga, Ni Izo. Ay cimandi kañ A bu ay se, kañ A n'ay zunubey sambu, A n'i jare waato kañ A bu bundu garanta boñ. Ay cimandi kañ A tun bukey game ra. Ay go g'ay fundo tañ Yesu se sohoj.*

Ay saabu Baaba nda nooyaño kañ Ni n'ay no, Ni yaafayaño se, nda fundi hal abada se. Ay ga ni nwaaray, m'ay ga ay ma baafunay ni se. Yesu mayo ra, Amin! Za kañ arañ aduwa nda arañ bine kulu, Irikoy ta arañ se. A n'arañ hannandi, A n'arañ fansa ga ka biya do buyañ ga. Arañ ma lokaci sambu ga ayyey wo caw, g'i laasaabu, arañ ma ne Irikoy ma salañ arañ se waati kañ arañ go diraw ra A banda; arañ fundi tajo naaruma ra.

Yohanna 3:16

Korintiyey sintina 15:3-4

Afasey 1:4

Afasey 2:8-9

Yohanna Tira Sintina 1:9

Yohanna Sintina 4:14-15

Yohanna Tira Sintina 5:1

Yohanna Tira Sintina 5:12-13

Arañ ma aduwa ga Irikoy ñwaaray A ma du arañ se Eglisia kañ ga Irikoy sanno cimandi, kañ g'arañ gaabandi, kañ ga nañ arañ ma beeri margasinay ra Almasihu banda. Irikoy go arañ banda waati kulu. A g'arañ candi han fo, ga cabé arañ se, fundi toonanta kañ A soola arañ se!

# TIRA HANTUMKWA BODI



JOYCE MEYER go jine fun beerey kaŋ yaŋ te ma ndunniya ra game ra, kaŋ yaŋ ga Irikoy sanno cawandi. I go ga a sijiro “*Ma zaari kulu baafunay kaani*” cabe ndunniya radio nda tele zambar boŋ ndunniya ra. Tirey kaŋ Joyce hantum ga bisa zangu. A tirey kaŋ day gumo ra, iri ga du fransi ciine ra: Miila gaabikoniyay; Mate no boro ga nga zaaro sintin da; Booro kaŋ go boosu nangu ra; miila wangu fari. English ciine ra mo: Waybora kaŋ ga asiiri gaayi; Ma guna ga boori, ma naanay ni boŋ ga; Ma ni zaaro banandi a ma boori; Yadda tontoni; Mate no boro ga te ga hangan Irikoy se?

Joyce ga naaru gumo, jiiri me mundu a ga marga boobo te, a ga salaŋ boro zambaryaŋ se ndunniya ra.